

皆葬吳縣三讓鄉之天平山云

范師道字貫之天聖九年進士累知廣德縣縣
淫祀歲殺牛以祀神一切禁絕之擢待御史
數以論事忤宰相劉沆出知常州復召為起
居舍人同知諫院會百官上尊號乃言災異
數出而崇尚虛文非所以答天戒又言宮人
多遷除恐女寵因緣以害政事上皆嘉納之
又言陳升之不當進用出知福州復入為三
司鹽鐵副使終直龍圖閣知明州有奏議二
十卷文集五十卷子世京世亮皆登科

范世京字延祖皇祐五年進士歷和州歷陽令
適師道守明州世京弃官侍養曰人子事親
之日少事君之日多寧可曠時失定省父喪
扶護歸鄉垣而跣足晝夜哀號行路為隕涕
服除熙寧初官湖北廣南名至京師與時論
不合辭歸終祕書丞

范縵唐末吳處士有子七歲能吟詩贈隱者云
掃葉隨風便澆花趁日陰處士方于聞之曰